

Na osnovu člana 16. stav 4., Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 152. sjednici, održanoj 05.03.2014. godine, d o n o s i

ZAKLJUČAK

I.

Utvrđuje se Prijedlog Odluke o utvrđivanju postojanja javnog interesa Zeničko-dobojskog kantona za finansiranjem obrazovne djelatnosti Franjevačke klasične gimnazije u Visokom, a koja se nakon pribavljenih mišljenja resornih organa uprave, upućuje u daljnju Skupštinsku proceduru.

II.

Zaključak stupa na snagu danom donošenja.

Broj: 02-_____/14.
Datum, 05.03.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Stručna služba Vlade,
1x Ministarstvo za obrazovanje, nauku, kulturu i sport ZDK,
1x Predsjedavajućem Skupštine ZDK-a,
1x a/a.

PRIJEDLOG

**Bosna i Hercegovina
Federacija Bosne i Hercegovine
Zeničko-dobojski kanton
Ministarstvo za obrazovanje, nauku, kulturu i sport**

**Odluka
o utvrđivanju postojanja javnog interesa Zeničko-dobojskog kantona za finansiranjem
obrazovne djelatnosti Franjevačke klasične gimnazije u Visokom**

Zenica, februar/veljača 2014. godine

PRIJEDLOG

Na osnovu člana 37. stav 1. tačka g) Ustava Zeničko-dobojskog kantona, („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 19/04), Skupština Zeničko-dobojskog kantona, na _____ sjednici održanoj _____ 2014. godine, d o n o s i

ODLUKU

o utvrđivanju postojanja javnog interesa Zeničko-dobojskog kantona za finansiranjem obrazovne djelatnosti Franjevačke klasične gimnazije u Visokom

Član 1.

(Predmet Odluke)

Ovom odlukom, Skupština Zeničko-dobojskog kantona, utvrđuje postojanje javnog interesa Zeničko-dobojskog kantona za redovnim finansiranjem obrazovne djelatnosti Franjevačke klasične gimnazije u Visokom iz Budžeta Kantona.

Član 2.

(Način implementacije Odluke)

Na osnovu, člana 1. ove odluke, Franjevačka klasična gimnazija u Visokom će biti uvrštena u redovno finansiranje troškova obrazovne djelatnosti iz Budžeta Kantona za 2014. godinu i dalje, na način kako se finansiraju i ostale obrazovne ustanove na području Zeničko-dobojskog kantona.

Član 3.

(Zaduženi za implemntaciju)

Za implementaciju ove odluke zadužuje se menadžment Franjevačke klasične gimnazije u Visokom, Ministarstvo za obrazovanje, nauku, kulturu i sport i Ministarstvo finansija u Vladi Zeničko-dobosjkg kantona, svako u okviru svojih nadležnosti.

Član 4.

(Stupanje na snagu)

Odluka stupa na snagu narednog dana, od dana objavljivanja u „Službenim novinama Zeničko-dobojskog kantona“.

Broj: _____/14.
Zenica, __. __. 2014. godine

PREDSJEDAVAJUĆI
Sretko Rradišić

OBRAZLOŽENJE

Pravni osnov

Pravni osnov za donošenje ove odluke sadržan je u članu 37. stavu 1. tačka g) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 19/04).

Razlozi za donošenje Zakona

Nakon što je menadžment Franjevačke klasične gimnazije u Visokom, dana 28.07.2013. godine, putem resornog ministarstva u Vladi Kantona, podnio Zahtjev broj: 361/13., za uvrštavanjem ove obrazovne ustanove u finansiranje njene obrazovne djelatnosti u redovne budžetske okvire, izvršena je potrebna pripremna analiza koja je obuhvatila, kako troškovni dio, tako i pedagoško-obrazovni aspekt podnesenog zahtjeva. Pri tome, u obzir su uzeti svi parametri uključujući i dosadašnji način finansiranja-pomoći putem posebnog transfera, a koji se u postojećim recesijskim okolnostima pokazao kao nedovoljan i nesiguran u smislu pravovremene novčane podrške obrazovnoj djelatnosti ove značajne ustanove. Napominjemo da je riječ o jedinoj klasičnoj gimnaziji na ovim prostorima, koja pored tradicijskih i kulturoloških aspekata, također obrazuje budući nastavni kadar za potrebe te vjerske zajednice, a zbog čega postoje opravdani razlozi za donošenjem predložene odluke o utvrđivanju postojanja **javnog interesa Zeničko-dobojskog kantona za redovnim finansiranjem obrazovne djelatnosti Franjevačke klasične gimnazije u Visokom iz Budžeta Kantona, koju kao takvu i predlažemo Skupštini Kantona na razmatranje u predloženoj formi i proceduri.**

Finansijski pokazatelji

S obzirom da je donošenju ove Odluke, prethodilo donošenje Zaključka Vlade Kantona o utvrđivanju prioriteta u izvršavanju obaveza sa „Tekućeg transfera za franjevačku gimnaziju Visoko“, broj: 02-14-27002/13., od 19.12.2013. godine, u ukupnom iznosu od 262.000,00 KM, uočeno je da su ista nedovoljna za finansiranje djelatnosti Franjevačke klasične gimnazije Visoko, tako da su u usvojenom Budžetu Zeničko-dobojskog kantona za 2014. godinu već opredijeljena potrebna finansijska sredstva u ukupnom iznosu od 424.000,00 KM, proizilazi da je opredijeljeni iznos stvarna potreba za finansiranjem djelatnosti ove obrazovne ustanove, (*vidjeti tabelarni prikaz u prilogu kao i prethodno pibavljeno Mišljenje Ministarstva finansija u Vladi Kantona*).

Stoga predlažemo Skupštini Zeničko-dobojskog kantona da razmotri dostavljeni prijedlog Odluke o utvrđivanju postojanja javnog interesa Zeničko-dobojskog kantona za redovnim finansiranjem obrazovne djelatnosti Franjevačke klasične gimnazije u Visokom iz Budžeta Kantona **u redovnoj proceduri.**